



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-1-40-054-4/25**

Datum: **10.03.2025. godine**

«Agencija za vodno područje rijeke Save» Sarajevo, rješavajući po zahtjevu Grada Visoko za donošenje rješenja o prethodnoj vodnoj saglasnosti za aktivnost – prelaz cjevovoda preko rijeke Bosne odnosno postavljanje/ovješanje cjevovoda na konstrukciju postojećeg mosta u naselju Čekrekčije a u postupku izdavanja urbanističke saglasnosti za izgradnju vodovodnog sistema za naselje Vratnica, grad Visoko, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o prethodnoj vodnoj saglasnosti**

1. Gradu Visoko daje se prethodna vodna saglasnost za aktivnost – prelaz cjevovoda preko rijeke Bosne odnosno postavljanje/ovješanje PEHD cjevovoda Ø110 mm na konstrukciju postojećeg mosta izgrađenog u naselju Čekrekčije na dijelu parcela označenih kao k.č. broj: 720 K.O. Čekrčići i k.č. broj: 518 K.O. Kula Banjer a u postupku izdavanja urbanističke saglasnosti za izgradnju vodovodnog sistema za naselje Vratnica, grad Visoko.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije na nivou glavnog projekta na osnovu koje će se vršiti izvođenje radova na polaganju trase vodovodne mreže - ukrštanje sa rijekom Bosnom vješanjem cjevovoda na konstrukciju postojećeg mosta izgrađenog u naselju Čekrekčije, grad Visoko. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
 - 2.2. Da se predmetna trasa, kao i postojeći most preko rijeke Bosne u naselju Čekrekčije na kome je planirano postavljanje/ovješanje cjevovoda prikažu na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti planirane trase od korita rijeke Bosne, postojećih i planiranih hidrotehničkih objekata ukoliko se takvi nalaze u pojasu polaganja cjevovoda i mjestu prelaza cjevovoda preko rijeke Bosne (zaštitni vodoprivredni objekti, objekti lokalnog kanalizacionog sistema i sl.) te sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprječavanje tih uticaja.
 - 2.3. U projektnoj dokumentaciji dati detaljan tehnički opis rješenja sa prikazom načina postavljanja/ovješanja cjevovoda na konstrukciju mosta i zaštite istog; precizno definisan prostorni i visinski položaj revizionih okana (muljnog ispusta, zračnog ventila i sl.) na obalama rijeke Bosne; predmjer radova i odgovarajuće grafičke priloge uobičajene za nivo projekta za građenje,
 - 2.4. Način ukrštanja cjevovoda sa postojećim elektroenergetskim i drugim instalacijama treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.5. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova kako ne bi došlo do erozionih procesa na obalnom području rijeke Bosne, do podlokovanja temelja stubova kao i negativnih uticaja na druge korisnike voda (vodosnabdijevanje, ribari i sl.).
 - 2.6. Projektnom dokumentacijom definisati način privremenog pa sve do konačnog zbrinjavanja otpadnog i viška iskopanog materijala koji će nastati prilikom predmetne gradnje odnosno postavljanja cjevovoda, vodeći računa da se isti ne smije odlagati na vodno dobro i u vodotok.

- 2.7. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata.
- Uz zahtjev se prilaže :
- 5.1. Revidovana Investiciono-tehnička dokumentacija urađena u skladu sa uslovima iz dispozitiva ovog rješenja
- 5.2. Rješenje o urbanističkoj saglasnosti za izgradnju vodovodnog sistema za naselje Vratnice
- 5.3. Dokaz o izvršenoj uplati upravne takse u iznosu od 60 KM
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Grad Visoko podnio je ovoj Agenciji dana 05.02.2025. godine zahtjev za donošenje rješenja o prethodnoj vodnoj saglasnosti za aktivnost – prelaz cjevovoda preko rijeke Bosne odnosno postavljanje/ovješnje PEHD cjevovoda Ø110 mm na konstrukciju postojećeg mosta izgrađenog u naselju Čekrekčije na dijelu parcela označenih kao k.č. broj: 720 K.O. Čekrčići i k.č. broj: 518 K.O. Kula Banjera u postupku izdavanja urbanističke saglasnosti za izgradnju vodovodnog sistema za naselje Vratnica, grad Visoko. Uz zahtjev je dostavljena i pregledana sljedeća dokumentacija:

- Ovjerena kopija Uvjerjenja o registraciji poreznog obveznika izdatog dana 15.11.2019. godine od strane Porezne uprave Federacije BiH - Kantonalni porezni ured Zenica,
- Ovjerena kopija Rješenja o upisu u Jedinstveni registar obveznika indirektnih poreza broj: 04/1-17-1-UPJR/1-7981-1/19 izdatog dana 16.12.2019. godine od strane Uprave za indirektno-neizravno oporezivanje Banja Luka,
- Ovjerena kopija Uvjerjenja o registraciji/upisu u Jedinstveni registar indirektnih poreza broj: 04/1-17-1-UPJR/1-7981-2/19 izdatog dana 16.12.2019. godine od strane Uprave za indirektno-neizravno oporezivanje Banja Luka,
- Kopija Obavještenja o razvrstavanju pravnog lica prema klasifikaciji djelatnosti broj: 07-32.5-91625/19 izdatog dana 19.11.2019. godine od strane Službe za statistiku za područje Zeničko-dobojskog kantona,
- Mišljenje o usklađenosti planiranih aktivnosti dogradnje vodovodnog sistema Vratnica sa prostorno planskom dokumentacijom Grada Visoko izdato dana 04.02.2025. godine od strane Službe za urbanizam, imovinsko-pravne, geodetske poslove i katastar nekretnina, Grad Visoko,
- Kopije Katastarskog plana UR broj: 04-26-2-189/2025-4 i broj: 04-26-2-189/2025-7 izdatih dana 03.02.2025. godine od strane Službe za urbanizam, imovinsko-pravne, geodetske poslove i katastar nekretnina, Grad Visoko,
- Zemljišnoknjižni izvadak broj: 041-0-NAR-25-002 234 ZK uložak broj: 1000 i broj: 041-0-NAR-25-002 232 ZK uložak broj: 865 izdati dana 03.02.2025. godine od strane Zemljišnoknjižnog ureda Općinskog suda u Visokom,

- Glavni projekat vodosnabdijevanja za naselje Vratnica, općina Visoko urađen od strane «Zavod za vodoprivredu» d.d. Sarajevo, decembar 2023. godine,
- Dopis/odgovor broj: 08/1-02-16130/24 upućen dana 28.01.2025. godine Službi za urbanizam, imovinsko-pravne, geodetske poslove i katastar nekretnina od strane Službe za infrastrukturu, ekologiju, komunalne i inspekcijske poslove Grad Visoko (saglasnost za prelaz preko mosta),
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 07.02.2025. godine obavještena javnost putem obavještenja na oglasnim pločama «Agencije za vodno područje rijeke Save» u Sarajevu i Zenici, te dana 08/09.02.2025. godine u dnevnom glasilu «OSLOBOĐENJE». U datim rokovima nije bilo pisanih izjašnjenja o predloženim aktivnostima iz zahtjeva.

Na osnovu uvida u dostavljenu projektnu dokumentaciju - Glavni projekat vodosnabdijevanja za naselje Vratnica, općina Visoko, utvrđeno je da je u cilju poboljšanja snabdijevanja vodom stanovnika naselja Vratnica predviđeno snabdijevanje vodom sa rezervoara Pertac izgradnjom transportnog cjevovoda Čekrekčije – Vratnica duž regionalnog puta R445 Visoko–Ilijaš sa izgradnjom sekundarnih dionica. Predviđena trasa PEHD cjevovoda je dužine L= 9557,41 m.

Projektnom dokumentacijom predviđen je prelaz cjevovoda preko rijeke Bosne u naselju Čekrekčije ovješanjem PEHD cjevovoda Ø110 na bočnu konstrukciju mosta.

Za prelaz cjevovoda preko mosta ishodovana je saglasnost od nadležne Službe za infrastrukturu, ekologiju, komunalne i inspekcijske poslove Grada Visoko.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata propisani uslovi koje je Investitor dužan ispuniti prilikom izrade projektna dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uplaćeni su i posebni troškovi prema Zaključku ove Agencije broj: UP-1/21-1-40-054-3/25 od 03.03.2025. godine.

UPUTA O PRAVNOM LIJEKU:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Grad Visoko
ul Alije Izetbegovića br 12 A, 71300 Visoko
- ⊖ AVP Sava, ISV-vodna knjiga
- Sektor 40 - arhiva
- Oglasna ploča - AVP Sava